

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-14-4-662-4/19
Datum: 21.03.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 69. stav 2., a u vezi sa članom 25. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-1197 od 26.02.2018. godine, u postupku javne nabavke usluga osiguranja motornih vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U
o poništenju postupka javne nabavke

I

Poništava se otvoreni postupak za nabavku usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo, pokrenut na osnovu Odluke broj: 02-14-4-662/19 od 07.02.2019. godine i Obavještenja o nabavci broj: 16475-1-2-28-3-21/19 od 15.02.2019. godine.

Obrazloženje

Na osnovu Odluke broj: 02-14-4-662/19 od 07.02.2019. godine i Obavještenja o nabavci broj: 16475-1-2-28-3-21/19 od 15.02.2019. godine, proveden je otvoreni postupak javne nabavke usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-662-2/19 od 11.03.2019.godine, za aktivno učešće u postupku dostavljene su ponude ponuđača: Osiguranje Aura A.D. Banja Luka, Adriatic osiguranje d.d. podružnica Sarajevo, Sarajevo osiguranje d.d. Sarajevo, Grawe osiguranje d.d. Sarajevo i EUROHERC osiguranje d.d. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-14-4-662-3/18 od 19.03.2019. godine, kojim je utvrdila sljedeće:

- da je ponuda ponuđača Osiguranje Aura A.D. Banja Luka nepotpuna i ne ispunjava uslove tražene tenderskom dokumentacijom. Naime, garancija o ozbiljnosti ponude nije dostavljena u skladu sa tačkom 26. tenderske dokumentacije, odnosno nije dostavljena u skladu sa članom 3. st. 1.) Pravilnika o formi garancije za ozbiljnost ponude i izvršenje ugovora (“Službeni glasnik BiH” broj 90/14);

- da je ponuda ponuđača Adriatic osiguranje d.d. podružnica Sarajevo nepotpuna i ne ispunjava uslove tražene tenderskom dokumentacijom, jer potvrde koje je dostavio ovaj ponuđač ne zadovoljavaju uslov tražen tačkom 12. tenderske dokumentacije u smislu ispunjavanja tehničke i profesionalne sposobnosti, u smislu člana 49. Zakona o javnim nabavkama, koji se odnosi na dostavljanje potvrda o uspješno realizovana najviše 3 ugovora iz oblasti predmeta nabavke, u visini procjenjene vrijednosti nabavke;

- da je ponuda ponuđača Sarajevo osiguranje d.d. Sarajevo nepotpuna i ne ispunjava uslove tražene tenderskom dokumentacijom. Naime, tačkom 12 tenderske dokumentacije u skladu sa članom 47. Zakona o javnim nabavkama, vezano za dokaze ekonomsko-finansijske sposobnosti, tražena je potvrda banke da glavni račun ponuđača nije bio blokiran u zadnjih šest mjeseci. U ponudi ponuđača Sarajevo osiguranje d.d. Sarajevo nije dostavljena navedena potvrda banke iz koje je jasno vidljivo da se radi o glavnom računu tog pravnog lica. Pored toga, vezano za obrazac Izjave o dostavljanju garancije za uredno izvršenje ugovora, propisan Uputstvom o pripremi modela tenderske dokumentacije i ponuda ("Službeni glasnik BiH" broj 90/14, 20/15), a koji je i sastavni dio tenderske dokumentacije, ponuđač nije dostavio ispunjenu Izjavu;

- da je ponuda ponuđača Grawe osiguranje d.d. Sarajevo nepotpuna i ne ispunjava uslove tražene tenderskom dokumentacijom. Naime, tačkom 12. tenderske dokumentacije, u smislu člana 46. Zakona o javnim nabavkama, ugovorni organ je tražio ovjerenu kopiju odobrenja za rad izdatu od strane Agencije za nadzor osiguranja FBiH odnosno Agencija za nadzor osiguranja RS. Rješenje koje je priloženo u ponudi nije adekvatno ovjereno od nadležnog organa. Također, numeracija stranica gubi kontinuitet u dva navrata, dok na strani 230. nije stavljen pečat, a tenderskom dokumentacijom je traženo da sve stranice moraju biti numerisane, parafirane i opečaćene;

- da je ponuda ponuđača EUROHERC osiguranje d.d. Sarajevo nepotpuna i ne ispunjava uslove tražene tenderskom dokumentacijom, jer Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama i Izjava ponuđača iz člana 52. Zakona o javnim nabavkama, a u skladu tačkom 11. tenderske dokumentacije i u skladu sa Zakonom o javnim nabavkama, nisu ovjerene od strane nadležnog organa.

Prema tome, ponude ponuđača Osiguranje Aura A.D. Banja Luka, Adriatic osiguranje d.d. podružnica Sarajevo, Sarajevo osiguranje d.d. Sarajevo, Grawe osiguranje d.d. Sarajevo i EUROHERC osiguranje d.d. Sarajevo, nisu prihvatljive.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama.

Dostaviti:

1. Komisiji za sukcesivne nabavke
2. Ponuđačima
3. Odjeljenju za odnose s javnošću, radi objave na web stranici ovog organa
4. a/a

